

LA PUNT



Infuormaziuns da la corporaziun evangelica Ardez - Ftan - Guarda



**AVUOST, SETTEMBER, OCTOBER
2024**



Nouv cudaschet da battaisem



Il battaisem es üna festa fich importanta illa vita d'ün uffant. Immez il ravuogl da sia famiglia, cun pins e mimas, survegn el üna benedicziun per sia vita. Id es ün mumaint solen e bel. Tuot l'attenziun es drizzada sün l'uffant battià.

Buns giavüschs ed urazchuns til accompagnar e til laschan sentir l'amur e la charità da la famiglia, da la raspada e l'amur infinita da Dieu. Pel solit es l'uffant battià amo massa pitschen per as regordar plü tard svesv vi da quist mumaint. Lura esa bun chi's po quintar ad el davart quist grond evenimaint.

Sco genituors e sco mimas e pins as poja muossar las fotografias, impizzar minchatant la chandaila da battaisem e dir il vers da benedicziun.

Alch special cha no vain in nossa regiun, e chi güda eir a quintar als uffants davart lur battaisem, es il cudaschet da battaisem. Quel ha üna gronda tradiziun in nossas raspadas engiadinaisas. Causa cha nos fich predschè cudaschet da battaisem d'eira però exhaust, es gnü edi ün nouv. Insembel cun l'illustratura Pia Valär esa gratià da crear ün fich bel cudaschet cun bliers purtrets chi stan minchün per ün bun giavüsch per l'uffant battià, cun ün pêr texts davart il battaisem e cun bellas urazchuns, per part quellas chi's cugnoscha da l'anterior cudaschet e per part urazchuns novas da la poetessa Rut Plouda.





Tuot quels e quellas chi han buonder dal nouv cudaschet da battaisem, o chi til lessan regalar ad ün uffant chi vain battià dadour nosa regiun, til pon postar pro la pravenda o pro la «Pro Bibla Rumantscha», pbr@gr-ref.ch.

Cult divin da stà a Gonda

dumengia, ils 18 d'avuost a las 11.00



Quist on festagiaina darcheu ün cult divin da stà a Gonda.

Las duos corporaziuns Ardez-Ftan-Guarda e Zernez invidan cordialmaing ad ün inscunter cumünaivel illa ruina da la baselgia da Gonda.

Previs es ün cult divin da famiglia cun musica e chant, e pels uffants daja ün program special. La predgia es cun rav. Marianne Strub e rav.

Rebecca Giselbrecht.

Davo il cult divin daja üna grillada cumünaivla, ingio chi's po brassar la charn chi's piglia cun sai. In plü daja ün bufè da salata e da desert cha plüsa gliedud maina.

Spassegiada cumünaivla aint il Parc Naziunal Svizzer

sonda, ils 24 avuost 2024 a las 08.45 parkegi Stabelchod (P8)

La corporaziun evangelica Ardez-Ftan-Guarda invida ad üna spassegiada cumünaivla per grond e pitschen aint il Parc Naziunal Svizzer. La gita maina illa regiun Margunet / Stabelchod ed i's chamina 3 – 4 uras.

Tour cun sai: üna buna marena ed ün spejel da champogna. Per dumondas ed annunzchas p.pl. contactar a nos president Not Armon Willy, guardian dal parc, telefon 079 682 44 58.



Cult divin cun battaisem a Garsun

dumengia, ils 01 da settember a las 10.00



La corporaziun invida cordialmaing ad ün cult divin cumünaivel a Garsun. No vain il plaschair da pudair battiar ün uffant e perquai ha lö il cult divin quist on fingià a las 10.00. Davo il cult divin daja ün aperitiv davant baselgia per star amo ün mumaint da cumpagnia.

Festa da rogaziun federala

dumengia, ils 15 da settember a las 9.30 ad Ardez, a las 11.10 a Ftan ed a las 17.00 a Guarda.

In tuots trais cults vain celebrà la Soncha Tschaina e prelet il mandat da la regenza grischuna.



Festa da la racolta e cult divin ecumenic pro'l Lajet ad Ardez

dumengia, ils 6 d'october a las 11.00



Per la Festa da la racolta invidan la corporaziun evangelica e la raspada catolica ad ün cult divin ecumenic cun rav. Marianne Strub e rav. Mathew Charthakuzhiyi ad Ardez pro'l Lajet. Davo la predgia daja la pussibilità da sezzar insembel e giodair ün giantar cumünaivel.





Dumondas da transport

Per tuots inscuters manzunats as poja drizzar dumondas per transport



- davent da Ftan: Nataglia Blanke, 081 850 22 04 / Cilgia Florineth, 081 864 10 07
- davent d'Ardez: Jon Fadri Tönett, 079 463 94 22 / Daniela Dobler, 081 250 57 52
- davent da Guarda: Not Armon Willy, 079 682 44 58

Maisas da giantar per tuots e tuottas d'Ardez e Guarda

Las prosmas maisas da giantar han lö i'l hotel Alvetern ad Ardez:

- *mardi, ils 6 d'avuost*
- *mardi, ils 3 da settember*
- *mardi, ils 1 d'october*



Annunzchas, fin il plü tard il di avant, piglia incunter Erna Fontana, 081 862 23 50. Per giasts da Guarda vegn organisà il transport.

Viadi per senioras e seniors

gövgia, ils 12 da settember a Bravuogn



La corporaziun invida cordialmaing a las senioras e'ls seniors dad Ardez, Ftan e Guarda ad ün divertent viadi a Bravuogn. Là giodaina ün giantar cumünaivel ed ün program da surpraisa organisà dal consistori. L'invid culs detagls segua a temp ütil.

Il Sainin

venderdi, ils 27 da settember tanter las 9.30 e las 11.00 ha darcheu lö il Sainin illa sala cumünala ad Ardez.

Tuot ils uffants tanter 0 e 5 ons - accompagnats dad ün creschü – sun cordialmaing invidats da gnir a tadlar ün'istorgia da la Bibla, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61.



La Predgina




La Predgina cumainza darcheu davo las vacanzas da scoula d'utuon. Infuormaziuns seguan a temp ütil da las manadras Cilgia Koller ed Annina Mengiardi.

Ulteriuras occurrenzhas a regard noss progets vegnan publicadas sün nossa pagina d'internet e sün placats

In aigna chausa:

La corporaziun Ardez-Ftan-Guarda tschercha süls 1.1.2025 ün revisur/üna revisura da quint chi rapreschainta il cumün d'Ardez ed ün/üna pel cumün da Guarda. Chi chi ha interess es fich bainvgnü/bainvgnüda ed as po gugent annunzchar pro'l president Not Armon Willy, 079 682 44 58.





Concert illa baselgia d'Ardez

gövgia, il 12 da settember a las 17.00



In occasiun dal «StradivariFest 2024» a Scuol dà il StradivariQuartett eir ün concert illa baselgia refuormada d'Ardez.

Bigliets as poja reservar pro'l turissem Engiadina Scuol Zernez, 081 861 88 00

Radunanza da preventiv

mardi, ils 29 d'october a las 20.00 a Guarda

La radunanza da preventiv da la corporaziun evangelica Ardez-Ftan-Guarda ha lö in mardi, ils 31 d'october a las 20.00 in chasa da scoula a Guarda.

L'invid e las tractandas vegnan publicadas a temp ütil.



Absenzas da nossa ravarenda



Dals 07 fin als 13 d'october es nossa ravarenda in vacanzas.

Per casualias vegn ella rimplazzada da **rav. Dagmar Bertram, Scuol, 081 864 12 03**

Dals 17 fin als 20 d'october es nossa ravarenda sün viadi culs confirmands e las confirmandas.

Per casualias vegn ella rimplazzada da **rav. Christoph Reutlinger, Tschlin, 081 866 32 63**

Casualias in noss cumüns

Battaisems:

Elia Ducoli, 14.07.2024, Ardez

Nozzas:

Jeanne Im Thurm e Raffael Noti, 4.5.2024, Guarda

Mortoris:

Frank Holfeld, 14.4.2024, Ftan

Hugo Schaub-Komm, 21.4.2024, Ardez

Balser Sep Derungs, 5.5.2024, Ftan

Fred Werner Neuburger, 22.5.2024, Ardez

Claudio Rauch, 18.6.2024, Ftan



Adressas

Pravenda

Dna. rav. Marianne Strub,
Chasa da pravenda, 7546 Ardez
081 862 23 61

marianne.strub@gr-ref.ch

Secretariat

Corporaziun evangelica Ardez-Ftan-Guarda
Secretariat, Arfusch 166, 7546 Ardez
081 860 34 10

secretariat.pravenda@bluewin.ch

www.ardez-reformiert.ch

